

Powšitkowne WOZJEWJENJA

njedźelu, 10. decembra 2023

Wusyłanje Božej mše

Serbskorěčnu Božu mšu móža wěriwi tutu njedźelu, 10. decembra, w 9.00 hodź. z Chróscic jako livestream sčěhować. Link na nju je w interneće pod www.posol.de a na wosadnej stronje podaty.

Zwukowy koncert w klósterskej cyrkwi

Na zwukowy koncert do klósterskeje cyrkwy w Pančicach-Kukowje su wšitcy zajimcy tutu njedźelu, 10. decembra, přeprošeni. Karin Bartsch z Biskopic jón wuhotuje. Započatk je w 16.30 hodź.

Kubłanski dzeń dekanatneje młodžiny

„Žiwy być kaž w paradizu?!“ rěka hesło kubłanskeho dnja, na kotryž přeprošuje dekanatne dušepastyrstwo wšitkich młodostnych a młodych dorosćenych w starobje 18 do 30 lět sobotu, 6. januara 2024, do Ewangeliskeho centruma za dźěci a młodžinu TiK w Budyšinje. Za zastaranje, program a zawěšćenje zběraja přinošk 10 eurow. Přizjewjenja přijimaja hač do srjedy, 12. decembra, online. Link je pod www.posol.de wozjewjeny.

1. serbska kulturna brigada koncertuje

Chór 1. serbskeje kulturneje brigady přeprošuje wšitkich zajimcow na swój tradicionelny adwentny koncert. Tón budže sobotu, 16. hodownika, w 17.00 hodź. w Budyskej Marje-Marcínej cyrkwi. Zaklinča serbske a mjezynarodne adwentne twórby we wotměnje ze solistiskimi přinoškami brigadnikow. Cyłkowny wumělski nawod změje přeni króc Judith Kubicec. Zastup budže darmotny, wo kolektu so prosy.

Přiležnosć k swjatej spowědži w Róžeńće

sobotu, 16. decembra farar M. Anders, farar B. Jakubaš
17.00 – 18.00 hodź. kanonik Š. Delan, farar T. Dawidowski

póndźelu, 18. decembra farar M. Anders, kanonik W. Sćapan
17.00 – 18.00 hodź. farar T. Dawidowski, farar dr. B. Dittrich

wutoru, 19. decembra farar M. Anders, farar M. Nawka
18.30 – 19.30 hodź. farar G. Nawka, pater dr. J. Müller

sobotu, 23. decembra kanonik W. Sćapan, farar M. Nawka
7.30 – 7.55 hodź. kanonik Š. Delan, farar B. Jakubaš
a po Božej mši

Kóždy sobotu je do Božej mše za lud a kraj, kotraž so we 8.00 hodź. zahaji, přiležnosć k swjatej spowědži.

Po sobotach, 23. a 30. decembra kaž tež 6. januara, njebudže w Róžeńće w 17.00 hodź. přiležnosć k swjatej spowědži.

Adwentne wiki w klóštrje

Na adwentne wiki su wopytwarjo sobotu, 16. decembra, wot 10.00 do 18.00 hodź. do klóštra Marijineje hwězdy prošení. Mjez druhim poskića hodowne štomy a swójske wudželki kaž wšelake likery, sele a wolije, kotrež klóšterske sotry same zhotowjeja.

Kulturna zyma w Chrósćicach

We wobłuku kulturneje zymy w putniskej hospodže Moniki Gerdesoweje w Chrósćicach přednošuje sobotu, 16. decembra, w 19.45 hodź. Beno Bělk wo swojej jězbje do Mongolskeje. Hižo w 16.00 hodź. su džěci znova na serbske kino přeprošeni. Lětsa stej to zdobom poslednjeje zarjadowani. Link k cyłkownemu přehladej poskitkow je pod www.posol.de podaty.

Putnikowanje do Medžugorja

Na serbsku putniku jězbu do Medžugorja su zajimcy klětu w měrcu a w oktobrje přeprošeni. Přenju jězbu wot soboty do soboty, 16. do 23. měrcu, organizuje Enrico Šolta. Přizjewjenja přijimuje wón pod telefonowym čisłom (01 62) 9 62 83 70 abo z mejlku na enrico.scholze@t-online.de. Zamołwita za dalšu jězbu wot soboty do soboty, 12. do 19. oktobra, je Regina Kurjatowa. Zajimcy móža so pola njeje pod čisłom (03 57 92) 5 13 77 abo z mejlku na adresu Regina.Kurjat@web.de přizjewić.

Silwesterski koncert w Bačońskej cyrkwi

Na koncert k wuklinčenju lěta přeprošuje Bačońska wosada njedźelu, 31. decembra, do swojeje cyrkwe. Hinak, hač bě to dotak, zahaji so koncert hižo w 17.00 hodź. Lětsa wuhotuje jón 13 wnučkow njeboh Hany a Bena Šnajdera ze Smječkec a jich mandželscy respektiwne partnerjo.

Kreatiwna džěłarnička za šulerjow 4. do 6. lětnika

Dekanatne dušepastyrstwo džěci přeprošuje šulerjow 4. do 6. lětnika na kreatiwnu džěłarničku, kotraž wotměje so sobotu, 16. decembra, w Don Boskowym domje we Worklecach. Zajimcy móža wolić, hač wobdžěla so wot 9.00 do 11.30 hodź. abo wot 12.30 do 15.00 hodź. Přizjewjenja su online hač do pónđzele, 11. decembra, móžne. Link je pod www.posol.de podaty. Ličba městnow je wobmjezowana.

Jězba w lětnich prózdninach do Lückendorfa

Dekanatne dušepastyrstwo za džěci přeprošuje šulerki a šulerjow 5. do 8. lětnika klětu w lětnich prózdninach na jězbu do Lückendorfa w Žitawskich horach. Wona wotměje so wot pónđzele do pjatka, 8. do 12. julija 2024. Swójski přinošk na wobdžělnika wučinja 110 eurow. Přizjewjenja přijimuja hač do njedźele, 31. měrcu 2024, online. Link na wotpowědnu stronu je pod www.posol.de wozjewjeny. Po přizjewjenju dóstanu wobdžělnicy dalše informacije z mejlku.

Wustajeńca Božich narodkow

W putniskej hospodže w Hirschfeldze su wot přenjeje adwentneje njedźele, 3. decembra, hač do swjedženja Předstajenja Knjeza, pjatka, 2. februara, zaso Bože narodki wustajene. Mjez nimi su Boži narodk z Južneho Tirola, tajki, kotrehož postawy hodža so zdžěla pohibować, kaž tež 14 Božich narodkow z papjery. Cyłkownje poskićuja 27 wodženjow po wustajeńcy. Snadnje wulkosće domu dla su za to na kóždy pad přizjewjenja trěbne. Tež wosebite wodženja za skupiny ze sydow do dwanaće wosobami su móžne. Wone měli so telefonisce z fararjom Michaelom Dittrichom dojednać, a to z mejlku na dittrich.mi@t-online.de abo telefonisce pod čisłom (01 62) 9 17 99 49. Zastup je darmotny. Link k nadrobnějším informacijam kaž tež terminy wodženjow su pod www.posol.de wozjewjene.